

Innkalling
av
Formannskapet

Møtedato: 31.10.2022
Møtestad: Kommunehuset
Møtetid: 10:00 - 11:30

Eventuelle forfall må meldast til Anne Kristin Rafoss per tlf. 56166291, sms til 90898072 eller per epost til anne.kristin.rafoss@masfjorden.kommune.no

Varamedlemmer møter berre etter nærare avtale.

Saksliste:

- 098/2022 Godkjenning av innkalling og sakliste
- 099/2022 Godkjenning av møtebok
- 100/2022 Søknad om driftsstøtte for sesongen 2022/23 Stordalen skisenter as
- 101/2022 Finansiering, rehabilitering av golvdekke i aktivitetssal ved Sandnes skule.
- 102/2022 Finansiering av kjøp av tenestebil teknisk - bil til vegvedlikehald
- 103/2022 Referatsak

25. oktober 2022

Karstein Totland
møteleiar

Anne Kristin Rafoss
sekretær

Sakspapir

Sakshandsamar	Arkiv	ArkivsakID
Anne Kristin Rafoss		22/986

Saknr	Utval	Type	Dato
098/2022	Formannskapet	PS	31.10.2022

Godkjenning av innkalling og sakliste

Rådmannen sitt framlegg til vedtak:

Innkalling og sakliste vert godkjend

Saksopplysningar:

Sakspapir

Sakshandsamar	Arkiv	ArkivsakID
Anne Kristin Rafoss		22/986

Saknr	Utval	Type	Dato
099/2022	Formannskapet	PS	31.10.2022

Godkjenning av møtebok

Rådmannen sitt framlegg til vedtak:

Møtebok vert godkjend.

Saksopplysningar:

Sakspapir

Sakshandsamar	Arkiv	ArkivsakID
Svein Helge Hofslundsengen	FE-033	20/850

Saknr	Utval	Type	Dato
100/2022	Formannskapet	PS	31.10.2022

Søknad om driftsstøtte for sesongen 2022/23 Stordalen skisenter as

Rådmannen sitt framlegg til vedtak:

Saka vert lagt fram for drøfting i formannskapet

Saksopplysningar:

Bakgrunn

Referatsak formannskapsmøte 21.10.22;

Skriv 1: Brev gjeldande vidare drift av Stordalen Skisenter

Styret i Stordalen skisenter AS følgjer opp innspela, og evt. søknad vert handsama av formannskapet 31.10

Uttale

Frå idrettslaget Bjørn West 2.10.2022

GJELD VIDARE DRIFT AV STORDALEN SKISENTER.

Stordalen skisenter er eit aksjeselskap eigd av Masfjorden kommune og Bjørn West Idrettslag. Skisenteret vart skipa rundt 2007.

Stordalen skisenter er populært. Særleg blant hyttefolk i området. Utover det kjem det tilreisande frå Bergensområdet, Lindås, Gulen, Høyanger og frå Solund. Me har fleire tusen besøkjande kvart år.

Ei skisentergruppe vald av medlemmane i Bjørn West IL har stått for drifta av skisenteret. Heile drifta har dei fleste åra vore på dugnad. Det har vore svært mykje arbeid og me har nå kome til eit punkt der me ikkje ser at det er mogeleg å drive skisenteret vidare på denne måten.

Arbeid gruppa utfører er mangt anna:

Innkjøp til kiosk, innkjøp og oppdatering av utleigeutstyr som ski, hjelmar, stavar, vedlikehald og service av trakkemaskiner og ATV, ha service og vedlikehald på heis,. få på plass mannskap til preparering av bakken, få frivillige til å vera vakt og setja opp vaktliste , betala rekningar , søkja om

midlar. Rett og slett gjera alt som skal til for å kunna ta imot besøkjande og halda drifta i gang.

Bjørn West Idrettslag og skisentergruppa må dessverre innsjå at det nå ikkje er mogeleg å driva skisenteret vidare som eit reint dugnadsforetak. Me har ei gruppe personar som i mange år har lagt ned utallige dugnadstimar for å halda skisenteret i drift. Disse har no kome til eit punkt der dei ikkje klarar dette meir og det er ikkje mogeleg å rekruttere nye personar til dette arbeidet.

Bjørn West IL vil med dette be Masfjorden Kommune som medeigar i Stordalen Skisenter om å vurdere ei form for driftsstøtte som gjer det mogeleg å drifte skisenteret den komande sesongen og vidare framover.

Bjørn West IL er opne for god dialog og gode prosessar framover.

Ny sesong plar vera under planlegging i november. Før den tid må me ha eit svar på kva kommunen tenkjer om den vidare drifta av skisenteret. Me tykkjer det er synd dersom det er «kroken på døra». Til det ligg det altfor mange dugnadstimar bak og ikkje minst eit flott aktivitetstilbod som Masfjorden kommune kan vera stolt av.

Frå skisentergruppa 18.10.2022

Viser først til brev angående Stordalen skisenter frå leiar i IL Bjørn West. Det som er omtala der er klart ei stor utfordring, nemleg få folk til å driva skisenteret framover. For komande sesong har me også ei anna utfordring . Det er dei høge kostnadane på straum og diesel som kan få den konsekvens at me ikkje kan opna i det heile.

På kort sikt er situasjonen slik:

- I skisentergruppa sit no 5 personar. 2 av desse har vore med heilt sidan første spadetak, 1 person i heile driftstida , 1 i snart 4 år og den siste i snart 2 år. Utanom denne gruppa har me 4 personar som har stått for preparering av bakken heile tida. For komande sesong har ein av desse sagt opp og ein delvis sagt opp. 1 av desse sit også i skisentergruppa.
- Dei 5 er valde av idrettslaget og skal sitja fram til årsmøtet i februar/mars 2023. Me skal med andre ord leggja planar for sesongen 2023 ,noko me tykkjer er vanskeleg.
- Skal me kunna opna til denne sesongen må kommunen ta alle energikostnadane. Det gjeld straum og diesel/bensin.

Skisentergruppa sine tankar om framtidig drift:

- ein kommunalt tilsett er behjelpelig med å søkja om midlar i ulike, fond, legat, stiftelsar mm

- Kommunen yter støtte tilsvarande 1,5 stilling i sesongen (6 mnd).

Skisentergruppa fordeler midlane etter arbeidsmengde og behov.

****Varmestova/ servicebygg :** dette er i ein slik forfatning at me ikkje kan bruka den lenger. Her er det snakk om HMS for driftspersonell og gjestar. Skisenteret må få høve til å byggja seg opp eigenkapital for å få realisert eit nytt servicebygg med garasje. Garasje er svært viktig for å ta vare på utstyr som skisenteret har.

Fakta

Styret i Stordalen skisenter as hadde styremøte 24.10.2022, med fokus var på drifta 2022/23, og styret samla seg om ein søknad til kommunen om driftsstøtte basert på

Diesel 50. 000
Straum 150.000
Dugnad 200.000 – 150 kr
Og samla inntil 400.000,-

Økonomien i selskapet,

Solid resultat 2018, deretter 3 år med liten aktivitet og dårleg inntening





Innspel IL BW og Skisentergruppa drøfta i formannskapet 21.10. Formell søknad må komme ved styret i 992 023 996 Stordalen skisenter as. Søknad føreligg, og vert følgt opp i ekstra formannskapsmøte i forkant av kommunestyremøte den 31.10.22.

Vurdering

For å sikre drift i Stordalen skisenter 2022/23 må søknaden om driftsstøtte innfriast. Selskapet har hatt 2-3 dårlege økonomiske år. Dette er å sjå på som eit kortsiktig tiltak. Vert denne sesongen og dårleg med m.a. mildvær etc. og dårleg inntening, må ein vurdere vidare drift av selskapet.

Konklusjon

Masfjorden kommune løyver driftsstøtte til Stordalen skisenter as med inntil kr. 400.000,- for sesongen 2022/2023 med basis i auka kostnader til diesel 50. 000, auka straumkostnader med 150.000 og dugnadsgodtgjering 200.000 – 150 kr pr. time.

Sakspapir

Sakshandsamar	Arkiv	ArkivsakID
Frank Kvinge		22/984

Saknr	Utval	Type	Dato
101/2022	Formannskapet	PS	31.10.2022

Finansiering, rehabilitering av golvdekke i aktivitetssal ved Sandnes skule.

Rådmannen sitt framlegg til vedtak:

Framlegg til vedtak

Masfjorden kommune løyver kr 200 000 til rehabilitering av golvdekke i aktivitetssal, Sandnes. Masfjorden kommune forskotterer spelemiddeltilskot kr 100 000 dersom tiltaket ikkje får tildeling i 2023.

Saksopplysningar:

Bakgrunn

Då salen vart bygd i år 2000 vart det for å spara pengar lagt linoleumsbelegg direkte på betong. Golvet har heilt sidan den gong på grunn av dette gitt utfordringar. Glatt belegg og hard flate har medført fleire skader blant brukarane. Pr i dag er slitasjen stor med hol og rifter i belegget. Det er på høg tid å gjera noko med problemet.

Kommunen har alt lagt inn kr 300 000 til tiltaket i « Investering, kommunale bygg» for 2023.

Dei seinare åra har det blitt lagt nytt golv i gymsalen både på Matre og Nordbygda. I begge desse tilfella har kommunen dekkja alle kostnader ved rehabiliteringa over «Investering, kommunale bygg», og det har ikkje blitt søkt spelemidlar til tiltaka.

Ein kan få inntil kr 100 000 i spelemidlar til rehabilitering av dekke i aktivitetssal. Eit slikt tilskot vil difor redusera kommunen sine kostnader tilsvarande.

Dersom det skal søkast spelemidlar krev søknaden eit politisk vedtak på finansiering.

Fakta/vurdering

Masfjorden kommune har tre skulekrinsar, kvar med sin gymsal som fungerer som aktivitetssal. Kommunen er ein av få kommunar i Vestland som ikkje har ordinær fleirbrukshall. Det er gymsalane i

kvar skulekrins som i dag dekkar dette behovet.

Aktivitetssalen på Sandnes skule blir brukt i skuletid til kroppsøvingsundervisning.

Etter skuletid/SFO-tid kl 14-16 blir salen brukt av idrettsskulen og barnehage.


Vekedagar i tidsrommet kl 1630-2130 og søndag kl 18-21 er salen fullbooka med Masfjord fotballag og Fjon UIL som leigetakarar med følgjande aktivitetar, pt:

Fotballtrening, all-idrett, volleyball, yoga, dametrim, herretrim, cheerleading, seniordans.

Salen vert og nytta til øvingslokale for to brassband, og kulturskuleundervisning.



Aktivitetssal utgjer kjernen i bygget til venstre



Aktivitetssalen som treng nytt dekke.



Døme på rifter&sår i belegget

Regelendringar i spelemiddelordninga for aktivitetssaler presiserer i pkt 2.6.5 at « *offentlige og private skolars saler(gymsaler m.v) for kroppsøving ikke er aktivitetssaler og faller utenfor spillemiddelordningen for idrettsformål med mindre anlegget oppfyller mål for pkt 2.6.8 (basketball innendørs) eller pkt 2.6.42 (volleyballanlegg innendørs) og skal holde åpent for allmenn idrettslig virksomhet utover skoletid i henhold til punkt 4.»*

I dialog med sakshandsamar i Vestland fylkeskommune 28.09.22 har ein fått stadfesta at dersom salen har minimum 4m takhøgde og minimum 150 kvm flate, og salen er open for allmenn idrettsleg verksemd utover skoletid så kan gymsalen få spelemidlar til rehabilitering av dekke - då er det å rekna som aktivitetssal pkt 2.6.5.

Salen på Sandnes skule har ei flate på 10,3m x 19,0m = 195,7 m² ekskl scene.

Høgde 6,3 m.

Salen stettar såleis krava til å kunne kallast aktivitetssal.

Grunna mange godkjende spelemiddelsøknader og for liten tildelingspott har Vestland fylkeskommune eit etterslep på tildelingar på inntil fire år. Kommunen kan difor truleg ikkje rekna med å få utbetalt tilskotet i 2023, og må difor forskottera spelemiddeltilskotet.

Konklusjon

Behovet for rehabilitering av dekke i aktivitetssalen ved Sandnes skule er stort.

Rehabiliteringa vil gje salen eit stort løft i høve trygg bruk for utøvarane.

Aktivitetssalen ved Sandnes skule oppfyller krava til spelemidlar.

Rehabilitering av dekke i denne salen er tilskotsberettiga med inntil kr 100 000.

Spelemiddeltilskot vil difor redusera kommunen sine kostnader ved rehabiliteringa tilsvarande.

Masfjorden kommune søker spelemidlar til tiltaket.

Sakspapir

Sakshandsamar	Arkiv	ArkivsakID
Roald Kvingedal	FE-482, TI-&50	22/115

Saknr	Utval	Type	Dato
102/2022	Formannskapet	PS	31.10.2022

Finansiering av kjøp av tenestebil teknisk - bil til vegvedlikehald

Rådmannen sitt framlegg til vedtak:

Masfjorden kommune løyver Kr 982.000,- inkl mva,- til kjøp av tenestebil til vegvedlikehald. Midlane vert henta frå disposisjonsfondet.

Saksopplysningar:

Bakgrunn

Ved teknisk er det behov for ny bil til vegvedlikehald. Dagens bil er frå 2011, denne bilen er no i så dårleg stand at det er på tide å bytte denne ut, det kan kome store utgifter på bilen. Dette er ein pickup merke Izu su, med 4 hjul trekk, automat og kan trekke henger inntil 2,5 tonn. Den er utstyrt med brøteskjær og strøkkasse for strøing av salt og sand på vegar og parkeringsplassar. Dette utstyret er og no utslitt etter 11 års drift, 12 år til vinteren er over.

Fakta

Masfjorden kommune har ein portefylgje med 80 km med veg rundt om heile kommunen. Dette krev både vedlikehald sommar som vinter. For å drive ei god og effektiv vegvedlikehald og kunne reise ut nesten uavhengig av vær og føre, og med tanke på beredskap er det behov for ein god og robust bil til desse oppdraga. Bilen vert og nytta til å frakta rundt diselaggregat på 27 Kw (1500kg), for å halda vassverka eller andre installasjonar i drift når straumen er ute over lengre tid.

Masfjorden Kommunen utføre mykje brøyting og strøing på vegar, parkeringsplassar og for heimetenesta. Dette er i tillegg til brøytekontraktørane som og utfører dette arbeidet. I periodar med mykje snø og svært glatt, må kommunen kunne utføre dette arbeidet sjølv med eget utstyr, for å få ei god og effektiv vegvedlikehald om vinteren. I tillegg må det påreknast brøyting for heimetenesta i kommunen. Desse stadene vil variere frå år til år. Masfjorden kommune vil også utføre brøyting på desse vegane.

Krav til denne type bil: drivstoff type diesel til tyngre varetransport < 3,5 tonn. Krav til god fremkommelighet til dårleg norsk vinterføre. Bilene skal ha trekk på 4 hjul, automat og motorstørrelse på min 160HK, 4 dørs med dobbelcabin, 2 seter, hengerfeste, vinterhjul med pigg, understellsbehandling pluss ein del ekstar lys. Dette er spesifisert som krav til leverandørane.

Masfjorden kommune har mottatt tilbud frå 2 leverandørar.

Kostnad bil med generelt utstyr: 738.000,- inkl mva

Bilen må utstyrt med fylgjande utstyr for vintervedlikehald: brøyteutstyr pakkelsønsing m/ V-plog og min 550 liter tank for strøsand og salt med spreder.

Kostnad vintervedlikehald: 244.000,- inkl mva.

Totalkostnad med kjøp av bil for vedlikehald av kommunalevegar Kr 982.000,- inkl mva.



Prinsippet for pickup med brøyte og strø utstyr for vinter vedlikehald

I gjeldande retningslinjer for brøyting og strøing for kontraktørar på alle rodane:

Kommunen har rett til sjølv å utføre strøing på vegar som er omfatta av kontrakten i tillegg til andre vegar/snuplassar enn dei som står opplista i dokumentet.

I tillegg må det påreknast brøyting for heimetenesta i kommunen. Desse stadene vil variere frå år til år. Masfjorden kommune vil også utføre brøyting på desse vegane.

Vurdering

Masfjorden kommune har ein portefylgje med 80 km med veg rundt om heile kommunen Dette krev både vedlikehald sommar som vinter. For å drive ei god og effektiv vegvedlikehald og kunne reise ut på oppdrag nesten uavhengig av vær og føre, og med tanke på beredskap er det behov for ein god og robust bil til desse oppdraga.

For å kunne utføre dette arbeidet med vintervedlikehald på ein god og effektiv måte, er ein heilt avhengig av kjøp av denne type ny bil.

Masfjorden kommune har mottat 2 tilbud på kjøp av bil med utstyr, pris på bil med generelt utstyr

738.000- pluss mva, og pris på brøyte – og strøtstyr er på 244.000,-.

Konklusjon

Masfjorden kommune løyver Kr 982.000,- inkl mva til kjøp av tenestebil til vegvedlikehald. Midlane vert henta frå disposisjonsfondet.

Sakspapir

Sakshandsamar	Arkiv	ArkivsakID
Anne Kristin Rafoss		22/986

Saknr	Utval	Type	Dato
103/2022	Formannskapet	PS	31.10.2022

Referatsak

Tilknytte dokument:

1. Møteplan 2023 - framlegg

Rådmannen sitt framlegg til vedtak:

Referatsaker vert tekne til orientering

Saksopplysningar:

Møteplan 2023

Månad	Kommune- styret	Formannskap	Kraftfond styret	Valstyre	Adm.utval	AMU	TU
Januar		16					
Februar	23	13					
Mars		16			16		
April	27	20	20	20			
Mai							
Juni	15	5		5	5		
Aug.		28	28				
Sept.	28	18		11 & 12	18		
Okt.	26,27	16		16	16		
Nov.		6,16					
Des.	14	4	4		4		